

大清會典


五十二





庫	文	閣	內
四九函	一八九九	漢	書
二架	冊	號	類

庫	文	閣	內
二九五函	一八九九	漢	書
二架	冊	號	類

內閣文庫			
番號	漢	1899	
冊數	141	(52)
函號	295		1







大清會典卷之五十八

禮部十九

社稷壇

淺草文庫

順治元年定。每年春秋仲月上戊日。祭

太社

太稷。異壇同墳。

在午門外之右。其制一成。

太社以

后土勾龍氏配。

太稷以

后稷氏配。社主用石。半埋土中。

今全埋。

稷無主。仍用

木爲

神牌二。藏於

神庫。祭則設於壇上。壇北建享殿五間。拜殿五間。以備風雨行禮。○二年二月。致祭

社稷壇。

上親詣行禮

一前期二十日。禮部太常寺。奏請

皇上親詣行禮。或遣官恭代

今由太常寺

一前期四日。禮部太常寺題請。進齋戒牌銅人

今由太常寺

一前期三日。禮部太常寺官進齋戒牌銅人。如

常儀。

今由太常寺

皇上致齋三日。王以下陪祀文武各官。俱在本家齋

戒三日

一祝文內閣撰發。禮部恭寫。仍送內閣。恭填

御名

今由太常寺

一前期二日。禮部題請視祝版。并派讀祝官

今由

太常寺

一前期一日。禮部太常寺官。至內閣。捧祝版。至

中和殿。安設黃案上。奏請

皇上視祝文畢。捧祝官拱舉祝版。由中路至

午門外。排御仗一對。進

社稷壇南門。送至神庫內案上安設。上香。跪叩如常儀

一前期一日。禮部都察院太常寺光祿寺官。俱朝服上香。監宰牲。并瘞毛血

一每祭。於壇上鋪設五色土

一祭日。太常寺官。至神庫內祝案前跪叩。捧祝文。安設壇內案上。跪叩如常儀

一祭日。太常寺官。至神庫內。捧各

神牌。奉安壇上。如常儀

一正壇。

太社神牌在東。

太稷神牌在西。俱北向

一從壇。

后土勾龍氏神牌。東設西向。

后稷氏神牌。西設東向

一正壇陳設

太社位前

珪壁一

禮神帛一 黑色

牛一

羊一

豕一

登一

釧二

簋二

簋二

籩十二

豆十二

玉爵一

白磁爵二

酒尊一

太稷位前

供品與
太社同

一從壇陳設

后土勾龍氏位前

禮神帛一 黑色

牛一

羊一

豕一

登一

釧二

簋二

簋二

籩十二

豆十二

白磁爵三

酒尊一

后稷氏位前

供品與后土
勾龍氏同

一正祭日。

上親詣行禮。鹵簿大駕全設。不作樂。陪祀王以下公

以上俱在

午門內金水橋兩旁齊集候

駕出隨行。不陪祀王以下文武各官。在

午門外排班候

駕出跪送。陪祀文武各官。預於櫺星門外排班候
駕。

上具禮服。乘輿出宮。

午門鳴鐘。由闕右門。至鋪棕薦處降輿。太常寺贊

引官對引官導

上入自北門之右。至更衣幄次盥洗畢。贊引官對引

官導

上詣拜位前南向立。鴻臚寺官引王以下公以上。隨

後立。陪祀文武各官。於享殿外兩旁排班立。典

儀官唱樂舞生就位。執事官各司其事。武舞生

進贊引官奏就位。

上詣拜位立。典儀唱瘞毛血迎神。協律郎唱舉迎神

樂。奏廣平之章。樂作。贊引官奏陞壇導

上詣

太社香案前立。贊引官奏跪。

上跪。司香官捧香盒。跪於案東。贊引官奏上香。

上舉柱香上爐內。又三上塊香畢。興。贊引官導

上詣

大稷香案前立。贊引官奏跪。

上跪。司香官捧香盒。跪於案西。贊引官奏上香。

上舉柱香上爐內。又三上塊香。如前儀。其配壇上香。

官二員。亦依次上香畢。退。贊引官奏復位。

上復位立。樂止。贊引官奏跪。叩。興。

上行三跪九叩頭禮。興。王以下各官俱隨行禮。典儀

唱奠玉帛。行初獻禮。協律郎唱舉初獻樂。奏壽

平之章。樂作。捧玉帛爵官。捧舉上壇。於各

神位前跪獻。捧玉帛官三叩頭。捧爵官不叩。俱退。讀

祝官至祝文案前。一跪三叩頭。捧祝文立於案

西。樂止。贊引官奏跪。

上跪。王以下各官讀祝。祝官俱跪。贊引官贊讀祝。讀祝

官讀畢。捧祝版。奉安

太社位前帛匣上。一跪三叩頭。退。樂作。贊引官奏叩

興。

上行三叩頭禮。興。王以下各官俱隨行禮。樂止。典儀

唱行亞獻禮。

武舞生叩頭退。文舞生執羽籥引進。

協律郎唱舉亞

獻樂。奏嘉平之章。樂作。捧爵官於各

神位前跪。獻於案左。如初獻儀。退。樂止。典儀唱行終

獻禮。協律郎唱舉終獻樂。奏雍平之章。樂作。捧

爵官跪。獻於案右。如亞獻儀。退。文舞生叩頭退。太常寺

官一員。立於壇西。東向。唱賜福胙。贊引官奏詣

受福胙位。

上就受福胙位立。光祿寺官二員。捧福胙。向

神位前拱舉。跪於

上左。接福胙侍衛二員。跪於

上右。贊引官奏跪。

上跪。奏飲福酒。

上受爵拱舉。授接爵侍衛。贊引官奏受胙。

上受胙拱舉。授接胙侍衛。各退。贊引官奏叩興。

上行三叩頭禮。興。各官俱不跪叩。次行謝福胙禮。贊引官奏

跪。叩興。

上行三跪九叩頭禮。興。王以下各官俱隨行禮畢。典

儀唱徹饌。協律郎唱舉徹饌樂。奏熙平之章。樂

作。樂止。典儀唱送神。協律郎唱舉送神樂。奏成

平之章。樂作。贊引官奏跪。叩興。

上行三跪九叩頭禮。興。王以下各官俱隨行禮。樂止。

典儀唱捧祝帛香饌。恭詣瘞位。樂作。撤玉。捧祝

帛官至壇上。一跪三叩頭捧起。司香捧饌。各官

跪捧。不依次由中路下。至瘞所。祝帛焚半。贊引

官奏禮畢。導

上出。陞輿。作樂還宮。

午門鳴鐘。陪祀王以下公以上。隨入

午門。如常儀。不陪祀王以下各官。於

午門外跪迎。如常儀。陪祀各官。俱出南門。各退

一祭畢。太常寺官捧

神位。送安

神庫內。如常儀

一祭日。太常寺官徹齋戒牌銅人。送庫收貯。如

常儀

一遣官致祭。自

南天門入。由西。至北櫺星門外行禮。無福胙。王以

下公以上。不齋戒。陪祀各官。照常齋戒

一祭日。如遇風雨。題請。在北拜殿行禮

一祝文

維 年歲次 月 日

皇帝 敢昭告於

社

稷之神曰。維

神贊輔

皇天。發生嘉穀。粒我烝民。萬世永賴。茲當仲春。謹以玉

帛牲醴庶品致祭。配以報謝。

后土勾龍氏。

后稷氏。尚

饗

一樂章

迎神樂奏廣平之章

猗歟土穀兮功化隆 烝民立命兮九域同

壇壝儼肅兮風露通 我稷翼翼兮俎豆豐

望雲駕兮驂鸞龍 秉圭植璧兮予親躬

奠玉帛初獻樂奏壽平之章

禋祀黜牲兮北郊同 清醑旣載兮臨齋宮

朝踐初舉兮鑒予衷 洋洋在上兮錫福洪

亞獻樂奏嘉平之章

樂具入奏兮聲喤喤 兕觥其觶兮恭再揚

厚德配地兮祐家邦 屢豐年兮兆庶康

終獻樂奏雍平之章

方壇北宇兮神中央 盈庭帔舞兮時低昂

酌醑三爵兮綠醕香 新舊邦兮命溥將

徹饌樂奏熙平之章

邊豆大房兮儼成行 歆此吉蠲兮猶迴翔

椒漿瑤席兮餘芬芳 黍稷非馨兮悅且康

送神樂奏成平之章

孔蓋翠旌兮隨風颺 龍輶容與兮指天閭


咫尺神靈兮隔穹蒼 流景祚兮卜世昌

望瘞樂奏成平之章


牲玉陳兮延景光 百禮既洽兮終瘞藏

願神聽兮時予匡 四海攸同兮惠無疆

社稷壇總圖





社稷壇祭祀圖



會典卷五十八

十






社稷壇陳設圖

太稷 后土勾龍氏后稷氏陳設同



社稷壇告祭圖




會典卷五十八

十一




社稷壇告祭陳設圖
太稷陳設同




會典卷五十六

十三



祭引如

道官位




脯

棗

醢兔

肉蓮

仁榛



會典卷五十八

古

神祇壇

順治初定。

天神

地祇壇。在正陽門南。以

雲雨風雷之神為天神。

嶽鎮海瀆陵山京畿天下名山大川之神為地祇

歲有常祭。今每歲常祭儀俱罷。惟遇旱澇。遣官

致祭

一遣官致祭。由禮部題請

一前期一日。太常寺官。用白紙糊版。墨書祝文。

送至壇內神庫奉安。如常儀

一陳設

雲雨風雷爲一壇。禮神制帛四。

青一 黃一

黑一 白一 菓品

五。鹿醢。兔醢。酒罇一。

五嶽

五鎮

啟運山

天柱山

隆業山

昌瑞山

四海

四瀆

京畿名山大川。天下名山大川。共爲八壇。禮神制

帛二十五。

青三 黃二 黑七 白十 紅三

供品與前壇同

一祭日。贊引官對引官。導承祭官。詣盥洗所盥手畢。導至拜位前立。典儀唱執事官各司其事。

贊引官贊就位。承祭官就拜位立。典儀唱迎神。

贊引官贊陞壇。導至

神位前立。贊跪。上香。承祭官跪。司香官跪。進於案

左。承祭官上柱香。又三上塊香畢。典贊復位。贊

跪叩頭。承祭官行三跪九叩頭禮。典儀唱奠帛。行初獻禮。執事官於各

神位前分獻。獻帛官一跪三叩頭退。獻爵官不叩。

獻畢。讀祝官詣祝案前。一跪三叩頭。請祝版立。

贊引官贊跪。承祭官讀祝官皆跪。典儀唱讀祝。

讀祝官讀畢。興。捧祝版。跪安帛匣上。三叩頭退。

贊引官贊叩興。承祭官行三叩頭禮。興。典儀唱

行亞獻禮。與初獻同。獻畢。典儀唱行終獻禮。與

亞獻同。獻畢。典儀唱送神。贊引官贊跪叩頭。承


祭官行三跪九叩頭禮。興。典儀唱捧祝帛。各詣

燎位。承祭官轉立東旁。俟祝帛過訖。復原位立。

贊引官贊詣望燎位。承祭官至燎所。祝帛焚半。





贊引官贊禮畢。各退。

天神壇告祭圖南向




Faint vertical text columns, likely bleed-through from the reverse side of the page. The text is mostly illegible due to fading.

天神壇告祭陳設圖南向




會典卷五十六

六



地祇壇告祭圖北向




會典卷五十八

十九



北嶽
南嶽




鹿

醢鹿

桃

桃


葡



地祇壇告祭陳設圖
五嶽五鎮四山四海四瀆
京畿山川天下山川陳設俱同
每位爵三

會典卷五十一

下



四海

五鎮

五嶽

京畿名山

京畿大川

爵十五鹿脯紅棗栗一筐一
丸醢禁仁
蓮肉

酒




司香官
獻帛官
獻爵官

對引官

道官位

燔

中
東
西
嶽
嶽
嶽



會典卷五十六

三

大歲壇

順治元年題定。

大歲壇在正陽門外。神祇壇內。每年正月初旬吉

日。十二月歲暮。大建用二十九日。小建用二十八日。俱於時享

太廟日致祭

一前期。禮部題請。遣太常寺堂官一員行禮。由今

太常寺

一前期一日。太常寺官用白紙糊版。黃紙鑲邊。

墨書祝文。送至

太歲壇神庫內安設。如常儀

一前期一日。禮部太常寺官上香。監宰牲今由太常寺
一正殿陳設

太歲神牌。用黃紙墨書。照年建干支。書某年太歲

之神。籠於牌上。向南正設。祭畢同祝帛送焚

禮神帛一 白色 牛一

羊一 豕一

登一 釧二

簋二 簋二

籩十 豆十

白磁爵三 磁酒盞三十

酒尊一

一兩廡陳設

東廡。正月神將 二月神將 三月神將為第一壇

七月神將 八月神將 九月神將為第二壇 俱東

設西向。

西廡。四月神將 五月神將 六月神將為第一壇

十月神將 十一月神將 十二月神將為第二壇

俱西設東向。每壇一案。每案用禮神白色帛三。

其餘供品。與

正位前同

皇朝通志 卷一百一十五
一祭日早。太常寺官捧祝版。送至

太歲壇殿階下。甬道西。安設祝案上。跪叩如常儀

一祭日早。太常寺官至

神庫內。捧

太歲神牌。

月將十二神牌。奉安正殿及兩廡。行禮如常儀

一祭日。陳設畢。太常寺贊引官對引官。引承祭

官。進拜殿西旁門。至盥洗處。盥手畢。引至拜位

前立。典儀唱樂舞生就位。執事官各司其事。武舞

生引贊引官贊就位。承祭官就位。典儀唱迎神。

協律郎唱舉迎神樂。奏保平之章。樂作。贊引官

贊跪。叩。興。承祭官行二跪六叩頭禮。興。樂止。典

儀唱奠帛。行初獻禮。協律郎唱舉初獻樂。奏安

平之章。樂作。奠帛官於

神位前跪獻。行三叩頭禮。捧爵官立獻畢。退。讀祝官

至祝案前。一跪三叩頭。捧祝版立。樂止。贊引官

贊跪。承祭官讀祝官。俱跪。典儀唱讀祝。讀祝官

讀畢。捧祝文。置祝案上。三叩頭退。樂作。贊引官

贊叩興。承祭官行三叩頭禮。興。樂止。武舞生引

退。文舞生進。引典儀唱行亞獻禮。協律郎唱舉亞獻樂。奏中

平之章。樂作。捧爵官獻爵。如初獻儀。樂止。典儀唱行終獻禮。協律郎唱舉終獻樂。奏肅平之章。樂作。捧爵官獻爵。如亞獻儀。樂止。文舞生引退典儀唱賜福胙。贊引官贊跪。承祭官跪。樂舞生二名捧酒胙跪於右。又二名跪於左。贊引官贊飲福酒。承祭官受酒。拱舉。授於左。接爵樂舞生。贊引官贊受胙。承祭官受胙。拱舉。授於左。接胙樂舞生。俱退。贊引官贊叩興。承祭官行三叩頭禮。興。次行謝福胙禮。贊引官贊跪。叩興。承祭官行二跪六叩頭禮。興。典儀唱徹饌。協律郎唱舉徹饌

樂。奏雍平之章。樂作。樂止。典儀唱送神。協律郎唱舉送神樂。奏寧平之章。樂作。贊引官贊跪。叩興。承祭官行二跪六叩頭禮。興。樂止。典儀唱捧祝帛饌。恭送燎位。捧祝帛官一跪三叩頭。捧黃紙

神位。并祝帛。捧香饌官跪捧。不兩廡帛饌。依次捧送。承祭官退立拜位之西。俟祝帛捧過。仍復位立。典儀唱望燎。贊引官贊詣望燎位。引至燎位立。俟

神位祝帛焚半。贊引官贊禮畢退

一祭畢。捧牌位官執事樂舞生各詣位前一跪

三叩頭。捧起

神牌。送至

神庫內奉安。上香。如常儀

一祝文 春祭

維 年歲次 月 日

皇帝遣 致祭於 年

太歲之神曰。茲當孟春。謹以牲帛酒果庶品之儀

致祭。尙

饗○歲暮祭。用歲既云暮。節屆新春。餘俱同

一樂章

迎神樂奏保平之章

吉日良辰 祀典孔殷

於惟太歲 月將諸神

乘時秉德 輔國祐民

遙遙龍馭 頓轡九闈

壇壝蠲潔 延佇來臨

奠帛初獻樂奏安平之章

維神至止 螭駕雲旂

洋洋在上 淑景延禧

束帛承筐

展我誠斯

神示昭鑒

尙其無遺

神分弭節

薦馨敢後

祀事方初

陳饋捧酌

神光熹微

嘉祥承候

百禮不愆

樂具入奏

亞獻樂奏中平之章

以我齋明

率禮攸行

再拜稽首

旨酒斯盈

牲牲肥腍

交被神明

樽罍上下

醴假思成

終獻樂奏肅平之章

執事有嚴

品物斯備

非馨黍稷

用宣誠意

朱絃登歌

絲衣揚解

於胥樂兮

神錫爾類

徹饌樂奏雍平之章

春祈秋報

歲省惟勤

含醇飲德

莫匪明神

惟神臨御

胙蠶逡巡

獻酬云畢

誠敬斯伸

送神樂奏寧平之章

出令明堂

神爽卒度

報功迎氣

崇祀斯作


神人以和

既康且樂

瞻望景光

邈被寥廓


太歲壇祭祀圖



正月月將之神
 二月月將之神
 三月月將之神
 七月月將之神
 八月月將之神
 九月月將之神


祭壇

太歲壇陳設圖





會典卷五十八

二十八



大崇之神




和羹

韭菹

菁菹
鹿醢
芹菹
兔醢

笋菹
魚醢
脾析
豚胎



會典卷五十八

三九

四季月將陳設圖同

芡
鹿脯
白餅
黑餅

棗
栗
榛
菱

鉶
鱧魚


和羹


黍
稷



二月月將之神

三月月將之神





- | | | | |
|----|----|----|----|
| 菹笋 | 豆 | 菹韭 | 銅 |
| 醢魚 | 菹菁 | 醢醢 | 和羹 |
| 析脾 | 醢鹿 | 菹芹 | |
| 胎豚 | 醢兔 | 醢兔 | |

會典卷五十八
三十

躬祀岱宗儀

康熙二十三年

皇上東巡於泰安州嶽廟致祭

東嶽泰山之神前期太常寺題請讀祝官祝文由
內閣撰擬發太常寺用白紙糊版黃紙鑲邊墨
書不填

御名太常寺官具補服捧送廟中安設祝案上其
神位前陳設禮神制帛一青色圓降真柱香一炷黃
速香一觔自磁爵三由太常寺預備牛一羊一
豕一登一釧二簋二籩二籩二籩十豆十酒一尊燭

會典卷五十八
三
二對燈十盞。由地方官預辦。陳設畢。禮部太常寺堂官奏請

皇上躬詣行禮。

上陞輦。儀仗全設。扈從王以下。內大臣侍衛。文武官三品以上。及地方文官知府以上。武官副將以上。俱陪祀。其餘文武各官。俱於行宮前兩旁跪送。

上入廟。至二門降輦。贊引官對引官導

上入殿中門。至拜位前立。典儀唱執事官各司其事。贊引官奏就位。

上就拜位立。典儀唱迎神。司香官捧香盒前進。贊引官導

上詣香案前立。司香官跪於

上右。贊引官奏上香。

上舉柱香上爐內。又三上塊香畢。贊引官奏復位。

上復拜位立。贊引官奏跪。叩。興。

上行二跪六叩頭禮。興。陪祀王以下各官。俱隨行禮畢。典儀唱奠帛。行初獻禮。捧帛官至

神位前奠帛。三叩頭退。次捧爵官至

神位前立。獻爵畢。次讀祝官至祝案前。一跪三叩

頭。捧祝版。就案旁立。贊引官奏跪。

上跪。陪祀王以下各官。及讀祝官俱跪。贊引官贊讀祝。讀祝官讀畢。捧祝文至。

神位前。跪安帛匣內。三叩頭退。贊引官奏叩興。

上行三叩頭禮。興。陪祀王以下各官。俱隨行禮畢。典儀唱行亞獻禮。捧爵官獻爵於左。如初獻儀。典儀唱行終獻禮。捧爵官獻爵於右。如亞獻儀。典儀唱送神。贊引官奏跪。叩興。

上行二跪六叩頭禮。興。陪祀王以下各官。俱隨行禮畢。典儀唱捧祝帛。恭詣燎位。捧祝帛官至。

神位前跪。捧祝帛。三叩頭。司香官跪取柱香。不依次捧送燎位。

上轉立東旁。俟祝帛香過。仍復拜位立。祝帛焚半。贊引官奏禮畢。

上陞輦。還

行宮。不陪祀文武各官。俱於宮前排班跪迎。候駕過。各退。

祝文

維康熙

年歲次

月

日

皇帝致祭於

東嶽泰山之神曰。朕惟五嶽視三公。而泰岱爲之長。古帝王巡行時邁。所過名山大川。必按圖職方。敬修祀事。昭垂典禮。自昔爲隆。是以虞史著望。秩之文。周詩有懷柔之頌。朕荷天眷命。罔敢寧居。省俗觀風。勤求民隱。爰以良月。至於岱宗。惟神屹峙東方。育成庶類。天齊巨鎮。功開萬物之先。日觀崇標。尊爲百靈之府。吉蠲用享。虔事惟誠。宣氣布和。徧神庥而沛澤。始元啟泰。翊景運以徵祥。祇薦馨香。

神其歆鑒

大清會典卷之五十八

會典卷三十八

三十四

八
會
典
卷
三
十
八

三

